

Was merr su babbeld

Honnes?

Ja, was iss?

Kennsde merr mol ...

Ja, mach isch.

Wie bitte?

Ja, dess mach isch.

Jetzt bin isch awwer baff.

Ei warum donn?

Isch habb nor gesaad, kennsde merr mol ...

Unn gleisch seet doin Monn, dess mach isch.

Du waaßt doch noch gar nitt was isch will.

Awwer isch machs.

Saach emol, host du ebbes genumme?

Was soll isch donn genumme hawwe?

Odder hosde Schnaps gedrunke?

Omm friehe Moin? Naa.

Hosde irschend ebbes kabuttgemachd?

Kabuttgemachd? Naa, nix.

Iss was omm Audo?

Omm Audo? Naa, aach nitt.

Awwer irschend ebbes iss doch.

Ja, irschend ebbes iss.

Dess habb isch doch gleisch gemerkt.

Gelle.

Unn was iss?

Isch habb gleisch gesaad, isch machs.

Longsom werr isch awwer bieß.

Ei warum donn?

Weilde merr nitt saache dust was iss.

Isch habb merr halt ebbes vorgeumme.

Unn dess iss?

Immer gleisch ze saache: Isch machs.

Unn warum hosde dess derr vorgeumme?

Weil ...

Weil?

Weil isch merr Gedonke gemacht habb.

Unn was ferr Gedonke?

Dasses besser iss ferr mich.

Aha. Also nitt besser ferr mich?

Naa, ferr mich.

No gut. Unn wie sinn doi Gedonke?

Isch in moim fortgeschriddene Alder waaß,

dass wonn du de erst schoiheilisch frooche

dust: Kennsde merr mol ..., isch dess omm

End doch mache muss. Donn habb isch mir

Honne389

gedenkt, wenn isch gleisch saach, isch mach
dess unn dir koo Widderwort gewwe due,
denn habb isch merr vill Gebrewel gespart.

Eiern Honnes